

Entrante September 2019

CEO di Aeropuerto Internacional Reina Beatrix lo bira Joost Meijs

ORANJESTAD (AAN) - Joost Meijs, CEO di Eindhoven Airport, desde 1 di September 2019 lo cuminsa fungi den nomber di Royal Schiphol Group como CEO di Aeropuerto Internacional Reina Beatrix; tumando over di James Fazio, cu desde 2014 tabata e aeropuerto su CEO.

Sr. Meijs lo ta responsabel pa e desaroyo di maneho y organisacion, mantencion di contacto cu stakeholdersn externo, y lo guia aeropuerto su proyecto di expansion, mirando cu e ta duna inicio na un programa di inversion di capital y construcion significante di 5 aña cu un balor di 300 milyon dollar. E hunta di supervision di Eindhoven Airport lo ta en busca di e sucesor adecuado den e periodo nos dilanti.

Lagando su posicion existente atri, Meijs lo a traha cu Eindhoven Airport pa 13 aña. El a cuminsa riba 1 di Maart 2006 como "Director of Commercial Services & PR". Despues di un periodo cortico como "Deputy Director", el a bira "General Manager / CEO" di e aeropuerto riba 1 di Oktober, 2008.

Durante su carera na Eindhoven Airport, e aeropuerto a transforma di un aeropuerto cu ta atende mas di 1 milyon pasajero den 2006 pa un aeropuerto cu ta atende mas di 6.5 milyon pasajero den 2019. E segundo aeropuerto den Hulanda ta ofrece coneccionnan directo pa mas di 80 destinacion den y pafu di Europa.

Dencuadrodinfraestructura, e aeropuerto a expande considerablemente. Na 2013, un hotel (perteneciendo na Eindhoven Airport) y un extension di terminal di tereno y aereo a wordo entrega. Un "baggage hall" completamente nobo a wordo habri na 2016. Como parti di e construcion di Eindhoven Airport



Boulevard, cu ta wordo spera cu lo keda completa na aña 2020, e parqueo reconstrui lo habri na Oktober.

Despues di un periodo di crecimiento cuantitativo rapido, e aeropuerto a anuncia na final di 2018 un cambio di rumbo pa bai mas den e direccion di desaroyo cualitativo. E strategia aki ta pa yuda segura cu Eindhoven Airport ta duna un contribucion significante na e sociedad sostenibel den e siguiente 10 añanan cu ta den liña cu desaroyonan regional di Brainport.

Joost Meijs: "Mi ta sumamente orguyoso di e logronan colectivo di e ekipo cu a garantisar e exito di Eindhoven Airport. Mi tabata hopi contento pa guia e aeropuerto unda cu partidonan publico y priva ta encontra otro. Tresiendo interesnan cu ta aparenta contrario mas serca cu ta posibel na otro, a inspira mi desde comienzo te final. Na mes momento, mi ta ansioso pa por contribui na e exito di e aeropuerto internacional di Aruba y mi ta hopi impresiona cu tur loke a wordo alcansa te cu aworaki door di James Fazio y su ekipo".

Jabine van der Meijs, CEO di Royal Schiphol Group: "Bou di e liderazgo di Joost Meijs, Eindhoven Airport a crece den un aeropuerto fuerte - despues di Schiphol birando e segundo aeropuerto den Hulanda - cu tin hopi balor tanto den region como tambe pa Royal Schiphol Group. Joost

su conocemento amplio y experiencia lo ta hopi valioso pa sigui desaroya Aeropuerto Internacional Reina Beatrix. Nos ta desee hopi exito cu esaki."

Aeropuerto Internacional Reina Beatrix ta wordo opera y maneha pa Aruba Airport Authority N.V. (AAA). AAA tin un partnership strategico cu Royal Schiphol Group pa 15 aña caba y su CEO actual Sr. James Fazio, recientemente a anuncia su decision personal pa laga e posicion di CEO di AAA atras na final di e acuerdo di empleo actual cu ta termina 31 di Augustus 2019.

Sr. Fazio a traha pa Royal Schiphol Group pa e ultimo 22 añanan, despues cu el a cuminsa na 1997 como parti di e ekipo cu a privatiza, desaroya y despues opera JFK su terminal 4, y mas recientemente tabata CEO di aeropuerto di Aruba pa e ultimo 5 añanan. Prome cu su tempo cu Schiphol Sr. Fazio tabata emplea pa

12 aña pa Port Authority of New York y New Jersey, unda el a traha den varioso posicion di supervision den e area di operacion di aeropuerto.

Durante su tempo na Aruba, banda di a alcansa diferente logro, a brinda liderazgo y guia pa e proyecto di expansion Gateway 2030 di aeropuerto. Sr. Fazio a comenta riba e "timing" di su decision: "Aeropuerto ta transicionando for di e fase di planiamento pa e fase di construcion di e proyecto Gateway 2030, cu a rekeri e decision dificil pa wak si lo keda 5 aña mas of no, y basa riba motibonan personal, mi desee ta pa ta mas serca di mi famia y amistadnan y continua cu mi carera bek na New York. Royal Schiphol Group a identifica un candidato como mi sucesor, y den e proximo siman mas o menos e CEO nobo lo bishita Aruba y lo wordo

introduci na e Accionista, Hunta di Supervision, y staf di AAA." Esaki ta un transicion plania pa permiti un transicion di 4 pa 5 luna, y pa prepara e siguiente CEO debidamente pa e proyecto di construcion cu ta na caminda y pa asina e por asumi e responsabilidad pa lidera aeropuerto.

"Mi kier enfatisa cu mi a disfruta di mi tempo na Aruba y ta sinti mi honra di a wordo confia pa lidera Aruba su aeropuerto nacional pa e ultimo 5 añanan y mi lo sigui ta 100% comprometi na AAA durante e resto di tempo cu mi tin aki; como cu nos tin varios milestone relata cu e Proyecto pa crusa den e lunanan nos dilanti".

AAA ta gradici Sr. Fazio pa su esfuersonan pa sigui desaroya e aeropuerto creciente y ta desea Sr. Fazio tur cos bon den su siguiente metanan personal y ta yama bonbini na Sr. Joost Meijs na e ekipo di AAA.